

通俗傷寒論

通俗傷寒論目錄

張序

王序

杜序

曹序

何後序

何前序

卷之一

第一編 傷寒總論

第一章 傷寒要訣

第一節 六經形層

第二節 六經氣化

第三節 六經關鍵

第五節 六經病證

第七節 六經舌苔

第九節 六經用藥法

第十一節 三焦用藥法

第十三節 六經總訣

第四節 六經部分

第六節 六經脉象

第八節 六經治法

第十節 六淫用藥法

第十二節 用藥配製法

卷之二

第二章 六經方藥

第一節 發汗劑

第三節 攻下劑

第五節 滋補劑

第二節 和解劑

第四節 溫熱劑

第六節 清涼劑

卷之三

第二編 病理診斷

第三章 表裏寒熱

第一節 表寒證

第二節 裏寒證

第三節 表裏皆寒證

第四節 表熱證

第五節 裏熱證

第六節 表裏皆熱證

第七節 表寒裏熱證

第八節 表熱裏寒證

第九節 裏真熱表假寒證

第十節 裏真寒表假熱證

第四章 氣血虛實

第一節 氣虛證

第二節 氣實證

第三節 血虛證

第四節 血實證

第五節 氣血皆虛證

第六節 氣血皆實證

第七節 氣虛血實證

第八節 氣實血虛證

第九節 氣真虛血假實證

第十節 血真實氣假虛證

第五章 傷寒診法

第一節 觀兩目

第二節 看口齒

第三節 看舌苔

第四節 按胸腹

第五節 問口渴

第六節 詢二便

第七節 查舊方

第八節 察新久

第六章 傷寒脉舌

甲 切脉舉要

第一節 診法

第二節 部分

第三節 脉象

第四節 鉤立

卷之四

乙 辨舌舉要

第一節 觀舌形

第二節 察苔色

第二節 辨舌質

第四節 心法提要

丙 六經舌苔歌

第一節 太陽經舌苔歌

第二節 少陽經舌苔歌

第三節 陽明經舌苔歌

第四節 太陰經舌苔歌

第五節 少陰經舌苔歌

第六節 厥陰經舌苔歌

丁 吳坤安察舌辨證歌附劉吉人辨舌法

卷之五

第三編 證治各論

第七章 傷寒本經

第一節 小傷寒

第二節 大傷寒

第三節 兩感傷寒

第四節 伏氣傷寒

第五節 陰證傷寒

卷之六

第八章 傷寒兼證上

第一節 傷寒兼風

第二節 傷寒兼濕

第三節 傷寒兼痧

第四節 傷寒兼瘧 風寒瘧

暑濕瘧 痰瘧 食瘧 陰虛瘧 勞瘧 鬱瘧 胎瘧 疫瘧

第五節 傷寒兼疫

第六節 風溫傷寒

第七節 風濕傷寒

第八節 濕溫傷寒

第九節 春溫傷寒

第十節 熱證傷寒

第十一節 暑濕傷寒

第十二節 伏暑傷寒

卷之七

第八章 傷寒兼證下

第十三節 秋燥傷寒

第十五節 大頭傷寒

第十七節 赤膈傷寒

第十九節 發狂傷寒

第二一節 脫脚傷寒

第十四節 冬溫傷寒

第十六節 黃耳傷寒

第十八節 發斑傷寒

第二十節 漏底傷寒

卷之八

第九章 傷寒夾證上

第一節 夾食傷寒

第三節 夾飲傷寒

第五節 夾血傷寒

第二節 夾痰傷寒

第四節 夾氣傷寒

第六節 夾陰傷寒

卷之九

第九章 傷寒夾證中

第七節 夾疝傷寒

第九節 夾痛傷寒

第八節 夾痞傷寒

第十節 夾脹傷寒

卷之十

第九章 傷寒夾證下

第十一節 夾瀉傷寒

第十三節 夾疝傷寒

第十五節 夾蟲傷寒

第十七節 夾癆傷寒

第十九節 妊娠傷寒

第十二節 夾痢傷寒

第十四節 夾濁傷寒

第十六節 夾虛傷寒

第十八節 臨經傷寒

第二十節 產後傷寒

卷之十一

第十章 傷寒壞證

第一節 傷寒轉痙

第二節 傷寒轉厥

第三節 傷寒轉閉

第四節 傷寒轉脫

卷之十二

第十一章 傷寒復證

第一節 傷寒勞復

第二節 傷寒食復

第三節 傷寒房復

第四節 傷寒感復

第五節 傷寒怒復

第四編 調理諸法

第十二章 瘥後調理法

第一節 藥物調理法

第二節 食物調理法

第三節 氣候調理法

第四節 情慾調理法

第五節 起居調理法

附何後跋

附歷代傷寒書目考一卷

通俗傷寒論目錄終

通俗傷寒論卷之九

浙紹陶里村俞樾初先生遺著

山陰長樂鄉何秀山選按

孫廉臣校勘曾孫幼廉筱廉同校

郵縣曹赤電炳章參訂

第九章 傷寒夾證中

第七節 夾哮傷寒

(因)外感風寒。內發哮喘。但有夾痰飲寒哮。痰火熱哮之異。寒哮較多於熱哮。寒包熱哮則尤多。

(證)素有痰飲寒哮。猝受風寒大發者。一起卽頭痛身熱。惡寒無汗。喘咳稀痰。喉中作水雞聲。日夜俯几而坐。不得着枕。胸膈痞滿。舌

苔白滑。中後滿布而厚。素有痰火熱哮。猝被風寒外束者。一起卽頭疼發熱。畏風惡寒。喘咳濃痰。喉中有痰吼聲。日夜坐不得臥。面浮睛突。胸前痞塞。舌苔黃滑。中後滿布厚膩。

(脈)左弦緊。右弦滑者。風寒夾冷哮痰喘也。左浮弦。右滑數者。風寒夾熱哮痰火也。

(治)冷哮痰喘。先用射干麻黃湯。以發表散寒爲主。送下冷哮丸。(麻黃川烏細辛蜀椒白礬牙皂半夏麩陳膽星杏仁甘草各一兩。紫苑款冬花各二兩。右爲細末。薑汁調神麩末。打糊爲丸。每遇發時。臨臥生薑湯服二錢。羸者一錢。)除寒哮以定喘。俟表邪去而哮喘平。卽用六君子湯。扶正氣以滌飲。外用冷哮塗法以除根。(白芥子延胡索各一兩。甘遂細辛各五錢。共爲末。入麝香五分。杵勻。調塗肺俞膏肓百勞等穴。塗後麻瞽疼痛。切勿便去。候三炷香。

足方去之十日後塗一次。三次病根去矣。熱哮痰喘。先用白果定喘湯。以宣氣豁痰爲主。口噙清金丹。除熱哮以平喘。若表邪去而喘未平。繼用導痰湯。加旋覆海石蘇子白前。肅肺氣以除痰。終用加減玉竹飲子以保肺。總之哮喘一症。寒包火爲最多。遇寒卽發。飲冷亦發。雖亦有感溫暑而發。初治必兼辛散。開發肺氣。切不可純用寒涼。使痰壅肺閉。猝致悶斃。惟見胸突背駝者。必爲痼疾。不可救藥。

秀按哮症與喘不同。蓋哮症多有兼喘。而喘有不兼哮者。因哮症似喘而非。呼吸有聲。呀呷不已。良由痰火鬱於內。風寒束其外。古方如厚樸麻黃湯。越婢加半夏湯。時方如白果定喘湯。五虎湯。加節齋化痰丸。表散寒邪。肅清痰火。此四方最爲的對。或由初感寒邪。失於表散。邪伏於裏。留於肺俞。此卽冷哮痰喘。若因遇冷卽發。頑痰結聚者。宜用小青龍湯。送下立除冷哮散。用

胡椒四十九粒，入活癩蝦蟆腹中，鹽泥裹煨存性，分五七服。若有伏熱者，忌用。如因病根深久，難以猝除，頻發頻止，淹纏歲月者，即當口噤鍾乳丸。（滴乳石製法，酒濕研七日，水飛七次，甘草湯煮三伏時，蘸少許撚開，光亮如蠹魚爲度。麻黃醋湯泡焙乾，光杏仁炙甘草各三錢，研極細勻，煉白蜜丸，彈子大，五更臨臥各噤化一丸，去枕仰臥，勿開言，數日效，但必一生忌朮，以石藥慄，悍白朮壅滯，犯之恐有暴絕之虞。）逐漸以緩消之。或因坐臥寒濕，遇冷則發，此屬中外皆寒。芩朮二陳煎加麻杏，調下蘆吸散。（款冬花川貝母肉桂炙甘草各三錢，鵝管石煨透五錢，即鍾乳之最精者，共研細勻，每服一分，若平時，但以蘆管吸少許，噤化嚥之，日三五次。）外灸肺俞膏肓天突三穴，以除根。或因酸鹽過食，遇冷飲食而發者，宜用三白餅子。（用白麵粉白糖各二錢，飴糖餅化汁，捻作餅子，爐內燂熟，剗出，加輕粉四錢，搗勻，分作二三服，令病人食盡，吐出病根，即愈。體虛及年幼者，分四五次服之。）搜滌淤

積以涌痰。繼用異功散加細辛。補助宗氣以保肺。三涌三補。屢建奇功。或因積火薰蒸。遇風而發。用五虎湯加竹瀝達痰丸。上宣肺氣。下逐痰火。再避風寒。節厚味。自能痊愈。總之哮喘症。禁用純涼劑。恐風邪難解。禁用大熱劑。恐痰火易升。宣氣疏風。勿忘病根。輕品如杏仁橘紅薄荷前胡。重則如麻桂細辛蘇葶。未發時以扶正氣爲主。外臺茯苓飲苓朮二陳煎酌用。既發時以攻邪氣爲主。大概以溫通肺臟。古方如小青龍射干麻黃湯等。時方如白果定喘蘇子降氣湯等。繼則下攝腎真爲要。古方如金匱腎氣湯真武合桂苓甘味湯等。時方如新加八味地黃湯六味地黃湯加青鉛。若久發中虛。又必補益中氣。其辛散苦寒。豁痰破氣之劑。在所不用。俞氏方法。按症施治。簡而得要。可謂治病必求其本矣。

廉勤內經有喘無哮。至唐宋始哮喘並論。雖皆屬呼吸困難。而病理證候不同。哮者氣閉而不得出。其初多冷痰入肺竅。寒閉於上。則氣之開闔不利。遂

抑鬱而發聲。故俗稱氣吼病。有肺症。有胃症。有督脉症。肺症多起於風寒。遇冷則發。氣急欲死。其時惟麻黃砒石之性味猛烈。始可開其關而却其痰。麝香之氣性走竅。始能通其竅而宣其氣。予治哮喘症。審其外內皆寒者。每用麻黃二陳湯。迅散外邪以豁痰。送下加味紫金丹（信砒五分，研細，水飛如粉，淡豆豉晒乾研末，一兩五錢，麻黃去節四錢，當門子四分，共研細而極勻，真葶豆粉搗和爲丸，如芥菜子大，每服十丸，少則五丸）速通內閉以除哮。用以救人屢多神效。審其客寒包火者。每用白果定喘湯。調下猴麝二寶散（猴棗一錢，麝香一分，共研細勻，每服二分）用以治哮。屢奏殊功。胃症多起於痰積。內兼濕熱。惟脾有積濕。胃有蘊熱。濕與熱交蒸。脾胃中先有頑痰膠黏不解。然後入胃之水。遇痰而停。化爲濁痰熱飲。不能疾趨於下。漸滋暗長。綿延日久。致肺氣呼吸不利。因之呀呷有聲而爲哮。遇風遇勞皆發。秋冬以後。日夜如此。痰雖因引而潮上。而其氣較肺症稍緩。必待鬱悶之極。咳出一